

辨

證

錄

辨證錄卷之三

山陰陳士鏗敬之甫號遠公號朱華子著述

會稽陶式玉尚白甫號存齋又號一叅訂

咽喉痛門

人有感冒風寒一時咽喉腫痛其勢甚急變成雙蛾者其
症痰涎稠濁口渴呼飲疼痛難當甚則勺水不能入喉
此陽火壅阻於咽喉視其勢若重而病實輕也夫陽火
者太陽之火也太陽之火卽膀胱之火也與腎經之火
爲表裏膀胱火動而腎經少陰之火卽來相助故直沖

於咽喉之間而肺脾胃三經之火亦復相隨而上升於是借三經之痰涎盡阻塞於咽喉結成火毒而不可解治法似宜連數經治矣然而其本實始於太陽泄膀胱之火而諸經之火自安矣但咽喉之地近於肺太陽既假道於肺經而肺經險要之地卽狹路之戰場也安有舍戰場要地不解其圍而先搗其本國者乎所貴有兼治之法也方用破隘湯桔梗三錢甘草二錢柴胡一錢白芍五錢玄參三錢麻黃一錢天花粉三錢山豆根一錢水煎服一劑而咽喉寬再劑而雙蛾盡消矣方中散

太陽之邪者居其二散各經之邪居其五尤加意於散

肺之邪者由近以散遠也

此症用散

湯亦神效

射干枳殼蘇葉當歸各一錢甘草二錢桂梗三錢天花粉三錢山豆根八分麻黃五分水煎服一劑即愈

人有一時喉忽腫大而作痛吐痰如湧口渴求水下喉少

快已而又熱呼水咽喉長成雙蛾既大且赤其形宛如

雞冠此喉痺之症即俗稱為纏喉風也乃陰陽二火並

熾一乃少陽之相火一乃少陰之君火也二火齊發其

勢更暴咽喉之管細小火不得遽泄遂遏抑於其間初

曾有人患
單蛾必須

刺破可以

吹藥乃病

者畏懼必

不許刺醫

者誘以用

片毫筆畧

點之乃暗

藏針於筆

頭之內張

其穴而刺

作腫而後成蛾也蛾有二一雙蛾一單蛾也雙蛾生兩

毒兩相壅擠中間反留一線之隙可通茶水藥劑倘可

下嚥若單蛾則獨自成形反塞住水穀之路往往有勾

水不能嚥者藥物既不可嚥又從何路以進藥食哉法

宜先用刺法一則刺少商等穴倘欠切近用刀直刺其

喉腫之處一分則喉腫必少消可用吹藥以開之吹藥

方膽礬一分牛黃一分皂角燒灰末一分麝香三釐冰

片一分為絕細末和勻吹入喉中必大吐痰而愈然後

用煎劑方名救喉湯射干一錢山豆根二錢玄參一兩

被食其腹
即消

麥冬五錢甘草一錢天花粉三錢水煎服一劑而全愈也若雙蛾不必用刺法竟用此方玄參爲君實足以瀉心腎君相之火况佐之豆根射干天花粉之屬以祛邪而消痰則火自歸經而咽喉之間關門肅清矣

此症用兩地湯

加減亦神

熟地生地玄參各一兩肉桂三分黃連天花粉各三錢水煎服下喉即愈不必二劑

人有咽喉腫痛日輕夜重喉間亦長成蛾宛如陽症但不甚痛而咽喉之際自覺一線乾燥之至飲水嚥之少快至水入腹而腹又不安吐涎如水甚多將涎投入清水

陰翬治法
古人多用
附桂此偏
不用以出
奇

中卽時散化爲水人以爲此喉痛而生蛾也亦用瀉火
 之藥不特杳無一驗且反增其重亦有勺水不能下嚥
 者蓋此症爲陰蛾也陰蛾則日輕而夜重若陽蛾則日
 重而夜輕矣斯少陰腎火下無可藏之地直奔而上炎
 於咽喉也治法宜大補腎水而加入補火之味以引火
 歸藏方用引火湯熟地三兩巴戟天一兩茯苓五錢麥
 冬一兩北五味二錢水煎服一劑而火自下歸咽喉之
 腫痛全消二劑卽全愈方用熟地爲君大補其腎水麥
 冬五味爲佐重滋其肺金金水相資子母原有滂沱之

桂附同為引火歸經之藥然其性大熱從陽道而過藥入腹而喉先受其熱益增腫痛矣故不用桂附為妙

樂水旺足以制火矣又加入巴戟之溫則水火既濟水

趨下而火已有不得不隨之勢更增之茯苓之前導則

水火同趨而共安於腎宮不啻有琴瑟之和諧矣何必

用桂附大熱之藥以引火歸源乎夫桂附為引火歸源

之聖藥胡為棄而不用不知此等之病因水之不足而

火乃沸騰今補水而仍用大熱之藥雖曰引火於一時

畢竟耗水於日後子所以不用桂附而用巴戟天取其

能引火而又能補水則腎中無乾燥之虞而咽喉有清

肅之益此巴戟天所以勝桂附也

此症用收火

湯亦神效

熟地三兩山茱萸一兩茯苓五錢肉桂三錢水煎一碗探冷服一劑即消

人有咽喉乾燥久而疼痛人以爲肺熱之故誰知是腎水之涸竭乎夫肺金生腎水者也肺氣清肅自能下生腎水惟肺氣旣虛則肺中津液僅可自養而無如腎水大耗日來取給則剝膚之痛烏能免乎譬如父母未有不養贍其子者而處困窮窘迫之時則無米之炊何能止索飯啼飢之哭倘其子成立自能顧家爲父母者不特可以取資而亦可免迫索之苦乃其子又伶仃狼狽不

善謀生則子貧而父母更貧其乾林之狀有不可形容者矣肺腎竹獨不然故欲救肺之乾燥必先救腎之枯涸也方用子母兩富湯治之熟地三兩麥冬三兩水煎服一劑而燥少止三劑而痛少止十劑而燥與痛盡去也熟地滋腎救肺子之枯也麥冬滋肺救腎母之涸也上下兩治腎水有潤澤之歡則肺金自無焦焚之迫猶人子無憔悴之色則父母自有安享之愉此肺腎之必須兼治而熟地麥冬所以並用而能出奇也

此症用金

湯亦佳

熟地山茱萸各一兩天門冬地骨皮丹皮各三錢沙參五錢水煎服

人有生喉癰於咽門之間以致喉嚨疼痛者其症必先作
癢面紅耳熱而不可忍其後則嚙唾之時時覺乾燥必
再加嚙唾而後快久則成形而作痛變爲楊梅之紅瘰
或痛或癢而爲癰矣夫癰必有蟲咽喉之地豈容生蟲
世人往往得此病恬不爲意到不能治而追悔於失治
也不其晚乎此病因腎水之耗以致腎火之冲而肺金
又燥清肅之令不行水火無既濟之歡金火有相形之
勢兩相戰鬪於關隘之間致成此症治法仍須補腎中

之水而益其肺氣以大滋其化源兼用殺蟲之味以治
其癰庶幾正固而邪散而蟲亦可以盡掃也方用化癰
神丹玄參一兩麥冬一兩五味子一錢白薇一錢鼠黏
子一錢百部三錢甘草一錢紫苑二錢白芥子二錢水
煎服二劑而疼痛少痊又服四劑而癰中之蟲盡死矣
卽不可仍用此方另用潤喉湯熟地一兩山茱萸四錢
麥冬一兩生地三錢桑白皮三錢甘草一錢貝母一錢
薏仁五錢水煎服連服十劑而癢與痛俱除矣方中再
加肉桂一錢饑服冷服實爲善後之策又萬舉而萬全

也蓋從前多用微寒之藥恐致脾胃受傷加入肉桂以補火則水得火而無冰凍之憂土得火而有生發之樂下焦熱而上焦自寒也

此症先可用白微湯十劑後可

用漑喉湯三十劑亦能奏功

白微湯

白微二錢麥冬三錢欬冬花桔梗各三分百部二分貝母五分生地三錢甘草三分水煎湯漱口服日服一劑服十日蟲死

漑喉湯

熟地二兩麥冬一兩甘草一錢白微五分水煎服服

一月

全愈

人有生長膏梁素耽飲酒勞心過度致咽喉臭痛人以爲

助火之助

肺氣之傷誰知是心火太盛移熱於肺乎夫飲酒傷胃

胃氣薰蒸宜乎肺氣之熱矣然而胃火薰肺而胃上實

生肺也故飲酒尙不傷肺惟勞心過度則火起於心而

肺乃受刑矣况胃火助之則火性炎上而咽喉乃成燔

燒之路自然唾涕稠粘口舌乾燥氣腥而臭而痛症乃

成矣蓋心主五臭入肺而腥臭又何疑乎方用解脾丹

甘草二錢枯梗二錢麥冬五錢桑白皮三錢粘芩一錢

天門冬三錢生地三錢貝母五分丹皮三錢水煎服連

服二劑而痛止再服四劑而臭除此方治肺而兼治心

治心而兼治胃者也。因膏粱之人，其心肺之氣血原虛，不滋益二經之氣血，而但瀉其火，則胃中之氣血必傷，反增其火熱之焰矣。今補肺以涼肺，補心以涼心，補胃以清胃，而火自退，舍不止咽喉之痛而痛自定也。

此症用息炎

湯亦可

黃連 甘草 黃芩 各一錢
 麥冬 五錢
 天冬 生地 丹皮 各三錢
 紫苑 天花粉 石膏 各二錢
 竹葉 三十片
 陳皮 二分
 水煎服
 四劑愈

人有咽喉腫痛，食不得下，身發寒熱，頭疼且重，大便不通。

人以為熱也，誰知是感寒而成之者乎？然而人不敢信。

感寒無

爲寒也論理用逍遙散散其寒邪而咽喉之痛卽解雖
然人不敢信爲寒以用祛寒之藥獨不可外治以辨其
寒乎法用木通一兩葱十條煎湯浴於火室中如是熱
病身必有汗而咽喉之痛不減也倘是感寒雖湯火大
熱淋洗甚久斷然無汗乃進逍遙散必然得汗而咽喉
之痛立除此法辨寒熱最確不特拘之以治感寒之喉
痛也

此症用紫白

飲亦妙

紫蘇茯苓各三錢半夏一錢陳皮五分
甘草一錢白朮二錢水煎服一劑卽愈

[Faint vertical text column, likely bleed-through from the reverse side]

[Faint vertical text column, likely bleed-through from the reverse side]

[Faint vertical text column, likely bleed-through from the reverse side]

[Faint vertical text column, likely bleed-through from the reverse side]

[Faint vertical text column, likely bleed-through from the reverse side]

[Faint vertical text column, likely bleed-through from the reverse side]

[Faint vertical text column, likely bleed-through from the reverse side]